

ԵՊԻՍԿՈՊՈՍԱԿԱՆ ՁԵՌՆԱԴՐՈՒԹՅՈՒՆ ՄԱՅՐ ԱԹՈՌՈՒՄ

«Ի՛նչ, Տէր, այսօր վերածեր տնօրինութեամբ քո ի քահանայապետական շնորհ, տուր սոցա նմանիլ Քեզ՝ ճշմարիտ Հովուիդ, դնել զանձինս իրեանց ի վերայ ոչ-խարաց, առաջնորդ լինել կուրաց, լոյս խաւարելոց, խրատիչ անգգամաց, լուսատու տիեզերաց...» (Մաշտոց ձեռնադրութեան)։

Սույն թվականի նոյեմբերի 13-ին, կիրակի օրը, Ամենայն Հայոց կաթողիկոս Ս. Ս. Վազգեն Ա Վեհափառ Հայրապետը Էջմիածնի Մայր տաճարում արքայույս մեռողի օծմամբ եպիսկոպոս ձեռնադրեց Ս. Էջմիածնի Մայր Աթոռի և Երուսաղեմի Հայոց Սրբոց Հակոբյանց վանքի միաբան վեց վարդապետների՝ համաձայն կարգաց և կանոնաց Հայաստանյայց Առաքելական Սուրբ Եկեղեցու։

Նոյեմբերի 12-ին, շաբաթ օրը, երեկոյան ժամերգությունից հետո, Մայր տաճարում, համաձայն Հայաստանյայց Եկեղեցու ձեռնադրության Մաշտոցի, կատարվեց նորընծաների «ընտրութիւն և ուխտադրութիւն»-ը։

Իջման Ս. Սեղանի առաջ Ս. Վաղարշ, Ս. Վահան, Ս. Սևան, Ս. Տիրան, Ս. Ասողիկ և Ս. Պարգև հոգեշնորհ հայր սուրբերը ուխտում են «հաւատարիմ լինել Սրբոյ Էջմիածնի մինչև ցվախճան կենաց իրեանց, կալ մնալ հլու հպատակութեամբ ի ներքոյ իշխանութեան և հրամանաց Սրբոյ Կաթողիկէ Մայր Աթոռոյս»։

Ընթերցումից հետո նորընծաներն ստորագրում են ուխտագիրը։ Ըստ ավանդության, ուխտագիրն ստորագրում են նաև Մայր տաճարի լուսարարապետ Ս. Հուսիկ արքեպս. Սանթրուրյանն ու Մայր Աթոռի

դիվանապետ Ս. Ներսես արքեպս. Պոգապայանը։

Նոյեմբերի 13-ին, կիրակի օրը, ժամը 10.30-ին, Վեհափառ Հայրապետը եկեղեցական թափորով առաջնորդվում է Մայր տաճար՝ մատուցելու հանդիսավոր ս. պատարագ և կատարելու եպիսկոպոսական ձեռնադրություն։ Վեհափառ Հայրապետի, որպես աղբյուրականներ, ուղեկցում էին Ծիրակի թեմի առաջնորդ Ս. Նարեկ եպս. Ծաքարյանն ու Աղբյուրյանի հայոց թեմի առաջնորդ Ս. Անանիա եպս. Արաքաջյանը։ Եպիսկոպոսական ձեռնադրության խարտավիլակի պաշտոնն ստանձնել էր Ս. Ներսես արքեպս. Պոգապայանը։

Հանդիսությունների արարողապետն էր Մայր տաճարի լուսարարապետ գերաշնորհ Ս. Հուսիկ արքեպս. Սանթրուրյանը։

Սրբազան արարողություններից ներկա էին Երուսաղեմի Հայոց Ամենապատրիկ Պատրիարք Ս. Եղիշե արքեպս. Տերտերյանը, Գերագույն Հոգևոր Խորհրդի անդամները, սրբազան հայրեր, Մայր Աթոռի հոգևորականությունը, հայրենի գրողներ, արվեստագետներ, ուխտավորաբար Մայր Աթոռ ժամանած սփյուռքահայ ծանոթ մրտավորականներ և հավատացյալ ժողովրդի հոծ բազմություն։

Ձեռնադրության արարողությանը ներկա էր նաև ՀՍՍՀ Մինիստրների խորհրդին առընթեր Հայ Եկեղեցու գործերի խորհրդի նախագահ տիար Ստեփան Վարդանյանը։

Ս. Ստեփանոսի սեղանի առաջ սկսվում է ձեռնադրության հանդիսավոր արարողությունը։ Արարողության ընթացքին Վեհափառ Հայրապետը նորընծաներին շնորհում է եպիսկոպոսական կոչման յոթ աստիճանները։



«Օրինեսցի, օճցի աջ ձեռն Տ. Վաղարշ եպիսկոպոսի»




«Սյունիքի, օճի ճակատ Տ. Վահան Լախիկոսյան»



«Օրհնեսցի, օծցի աջ ձեռն Տ. Սևան եպիսկոպոսի»



«Օրհնեցի, սօցի ճակատ Տ. Տիրան Լախակոպուի»



«Օրհնացի, օձցի ճակատ Տ. Ասողիկ Եպիսկոպոսի»



«Օրմենցի, օճցի ճակատ Տ. Պարզև եպիսկոպոսի»

Ձեռնադրության արարողությունը շարունակվում է Ավագ խորանի վրա, ուր Վեհափառ Հայրապետը ընթերցում է ձեռնադրության մեծ աղոթքը: Ապա նորընծաները, ծնրադիր, դեմքերը դարձրած դեպի հավատացյալների խորհրդամասը, հրաժարվում են «Աստվածային և երկնավոր շնորհ...» շարականի երգակցությանը, հրաժարվում են աշխարհիկ ունակություններից: Հետո Վեհափառ Հայրապետը կատարում է ձեռնադրության ու օմման կարգը: Նորաօծ եպիսկոպոսներին տրվում է եպիսկոպոսական գավազան ու մատանի:

Ապա ընթերցվում է վերջին Ավ. տարանջև և Վեհափառ Հայրապետի «Պահպանիչ»-ով ավարտվում է ձեռնադրության արարողությունը:

Ձեռնադրության արարողության ավատից հետո Վեհափառ Հայրապետը, նորընծաներին է տալիս իր հայրական պատգամն ու խորհուրդները:

«Ես դենմ գձեռնս ի վերայ սոցա և դուք ամենեքեան աղօթս արարեք»:


Սիրելի բարեպաշտ ժողովուրդ, այսօր Աստուծո ղողորմությամբ Մենք արժանացանք կատարելու մի սրբազան և խորհրդավոր արարողություն՝ ձեռնադրություն և օծում վեց վարդապետների, երեքը Երուսաղեմի Ս. Աթոռից, երեքը Մայր Աթոռից, որոնք Մեր ձեռնադրությամբ և Ս. Հոգու ներգործությամբ ստացան բարձրագույն աստիճանը մեր Եկեղեցվո կրոնական կյանքի, այն է՝ եպիսկոպոսական իշխանություն: Մեր Եկեղեցվո, և ընդհանրապես բոլոր պատմական քրիստոնյա Եկեղեցիների մեջ հիմնականում կան երեք կրոնական աստիճաններ՝ սարկավագություն, քահանայություն և եպիսկոպոսություն: Մյուս տիտղոսները, որոնք տրվում են, երկրորդական նշանակություն ունեն, կանոնական իմաստով: Ահա այս վեց միաբանները՝ երեքը Երուսաղեմյան վանքի և երեքը Մայր Աթոռի, որոնք ստացան այդ աստիճանը, այդ Աստվածային շնորհը Մեր ձեռնադրությամբ: Համաձայն մեր Եկեղեցվո հնադարյան ավանդությանը, նման աստիճաններ տրվում են Ս. Հոգվո ներգործությամբ, կամ ավելի ճիշտ փոխանցվում են ձեռամբ եպիսկոպոսի, կամ կաթողիկոսի, հատուկ աղոթքներով և հատուկ ծիսական արարողություններով: Հայոց առաջին ձեռնադրող Հայրապետը հանդիսացել է մեր առաջին Հայրապետը, հենց ինքը՝ Ս. Գրիգոր Լուսավորիչ, մեզանից մոտավորապես 1700 տարիներ առաջ: Սա մեծ խորհուրդ է թե՛ կրոնական-հոգևոր իմաստով, թե՛ Հայ Ե-

կեղեցվո ավանդությանը և ազգային ամանոթությանը տեսակետից:

Եվ մենք՝ հայերս, անհամբերությամբ սպասում ենք, որ մոտենա երրորդ հազարամյակի առաջին տարին, այսինքն 2001 թվականը, որպեսզի, ինչպես Ռուսաց Եկեղեցին դիմավորեց իր մկրտության 1000-կեղեցին հիմնավորեց իր մկրտության ամյակը, Հայ Եկեղեցին և հայ ժողովուրդը տոնախմբեն ավելի երջանիկ պայմանների մեջ, Հայաստանյայց Եկեղեցվո հիմնադրման 1700-ամյակը: Երանի նրանց, ովքեր կենդանի պիտի լինեն մինչև այդ տարին և պիտի վայելեն վերստին երկնալիմ օրհնությունը և Ս. Հոգվո շնորհները հեղված համայն մեր Եկեղեցվո, մեր ժողովուրդի վրա ի Հայաստան և ի Սփյուռս աշխարհի:

Սիրելի հավատացյալներ, արդեն հայտնեցի ձեզ, թե երեք ձեռնադրյալները, առաջին երեքը՝ Ս. Վաղարշ եպիսկոպոս, Ս. Վահան եպիսկոպոս, Ս. Սևան եպիսկոպոս, հավատարիմ, ուխտյալ և ծառայություններ մատուցած միաբաններն են Ս. Երուսաղեմի Հայոց պատրիարքարանի, ապա երեք միաբանները Մայր Աթոռի՝ Ս. Տիրան եպիսկոպոս՝ այժմ առաջնորդ Ռուսաստանի և Հյուսիսային Կովկասի, Ս. Ասողիկ եպիսկոպոս, որ նոր կոչվելու է առաջնորդ Սյունյաց թեմի, որ շուտով պետք է մենք կազմակերպենք, կենտրոն ունենալով նշանավոր Տաթևավանքը, և վեցերորդը Մայր Աթոռիս միաբան և Ս. Հովսեփի մեծ վանահայր Ս. Պարզ եպիսկոպոս, որի ձեռնադրությունը այս օրերին մի բացառիկ իմաստ և հանգամանք ունի, երբ մեր ժողովուրդի հոգին փոթորկված է Արցախյան, Ղարաբաղյան արդար դատի հետապնդումով: Նա Ղարաբաղի է, ծնված է Սումգայիթ և մահուկ հասակից հոգևոր կոչման զգացողություն ունեցած է և աստիճան առ աստիճան բարձրանալով, այսօր ահա արժանացած է եպիսկոպոսական աստիճանի:

Ահավասիկ, մեր նորապսակ սրբազան եպիսկոպոսները, որոնք այսօրվանից սկսյալ կարող ենք ասել, նոր կյանքի ճանապարհով են առաջ ընթանալու: Ժիշտ է, նրանք արդեն վարդապետներ էին, վաստակ ունեին թե՛ Երուսաղեմի սուրբ Աթոռում, և մյուսները Մայր Աթոռում և ապացույցն էին տվել իրենց նվիրումի, իրենց աշխատանքի, սակայն այնուամենայնիվ, ես գիտեմ իմ իսկ անձնական փորձառությամբ, թե ամեն մի նոր ձեռնադրություն նոր շնորհներ է պարգևում, և գուցե ավելի ճիշտ կլինի ասել, որ ձեռնադրվողը վերջապես և ավելի ուժգին կերպով զգում է այն պարտականության բեռը, որ դրվում



Վահագն Լալումյանը և եղբայրները Պատրիարքարանում, Երևան, Հայաստանի Հանրապետություն

է իր ուսերին: Պարտականության գիտակցությունը, կարծում եմ, այնքան ավելի հզոր է լինում, ինչքան հոգևոր կոչումի աստիճանը բարձրանում է: Իրոք, նույնիսկ մարդկային աշխարհիկ կյանքում, կարծեմ նույնն է պարագան, զոնե արժանավոր մարդկանց համար, ինչքան պաշտոնը բարձրանում է, այնքան մարդ զգում է ինքզինքը պատասխանատու ժողովուրդի, հայրենիքի, այս դեպքում՝ Եկեղեցու հանդեպ:

Ահավասիկ, սիրելի սրբազան եղբայրներ, ես այսօր իմ ձեռքը դրի ձեզ վրա և իմ աղոթքներով հայցեցի, որ Աստված օրհնի ձեզ մի անգամ ևս և իր շնորհները առավել ևս բաշխի բոլորիդ: Սպասում եմ ձեզանից, որ դուք այդ պատասխանատվության գիտակցությամբ հետ այսու առավել ևս քան մինչև հիմա, նվիրվեք մեր Եկեղեցու ծառայության: Երուսաղեմում դուք սքանչելի մի արտահայտություն ունեք միաբանների վերաբերյալ: Ձեր միաբաններին կոչում եք զինվորյալ միաբաններ: Ծառ իմաստալի է այս անվանումը: Ձեր պարագային անշուշտ հոգևոր զինվորության մասին է խոսքը:

Թող Աստված օրհնի ձեր բոլորիդ հոգևոր զինվորությունը, ձեզ պարզևի հոգվո և մարմնո լիակատար առողջություն և նորոգ օծեալ սայծառ ձեր ճակատներով, ձեր հայացքը դեպի երկինք հառած գործեք, աշխատեք և բարձրացեք ի փառս Հայաստանյայց Առաքելական Ս. Եկեղեցվո և ի մխիթարություն հայ հավատացյալ ժողովուրդի, այժմ և միշտ և հավիտյանս հավիտենից: Ամեն:

Այս շարունակվում է ս. պատարագը:

Ս. պատարագի ավարտից հետո նորած եպիսկոպոսների պատվին Վեհարանի ճաշարահում տրվում է ճաշակերույթ: Ծաշակերույթի ժամանակ նորապսակ սրբազան հայրերին շնորհավորանքի և ուրախության արտագին խոսքեր են ասում Վեհափառ Հայրապետը, Պատրիարք սրբազան հայրը, Ս. Ներսես արքեպս. Պողոս-պալյանը, «Հառաջ» թերթի խմբագիր տիկին Արփիկ Միսաքյանը:

Ծաշակերույթի ավարտին նորած եպիսկոպոսների անունից երախտագիտության խոսք են ասում Ս. Սևան և Ս. Ասողիկ սրբազանները՝ մեկ անգամ ևս շեշտելով, որ հավատարիմ կմնան իրենց ուխտին ու Ս. Էջմիածնին, առավել արդյունավետությամբ շարունակելով ծառայել աշխարհասփյուռ հայ ժողովրդին:

Նոյեմբերի 14-ին, երկուշաբթի օրը, նորապսակ եպիսկոպոսները իրենց ուխտի պատարագը մատուցեցին Էջմիածնի Մայր տաճարում, Ս. Հովհաննիս վանքում և Երեվանի Ս. Սարգիս ու Ս. Հովհաննես եկեղեցիներում:

• •

«Էջմիածին» ամսագրի խմբագրությունը ևս ջերմագին շնորհավորում է նորապսակ սրբազան հայրերին, այն հույսով ու հավատով, որ նրանք իրենց ողջ ուժերն ի սպաս կդնեն ի ծառայություն Հայաստանյայց Եկեղեցու և հայ ժողովրդի:

ԱԲՐԱՀԱՄ ԱԲԴ. ՄԿՐՏՉՅԱՆ

